

Von Abmessungen.

So das also ersehen/rechne fleissig die puncten/so die lini fiduciae abge-
schnitten/welche schier allweg sein punctenn umbrae uersae. Dann so ist
die leng grösser dann die Mesrüt. Darumb theil die iez erfundene abge-
schmitt 2 puncten durch. 12. so zeigt dir der quotient/wie offte du der Mes-
rüten leng hast/in der gemessene leng. Dañ so die lini fiduciae ebē felt vff
die lini des mittelen schattens/das ist vff den Diameter des quadranten/
so ist die leng der ebene gleich deiner rüthen. So aber die lini fiduciae felt
vff denn punctenn. 11. umbrae uersae /so ist der rüthen leng ein mal vñnd
einn eilfftheil derselbigenn/so lang als die ebene.

Salt aber die lini fiduciae vff den zehenden puncten umbrae uersae so ist
die leng der rüthen ein mal/vñnd zwey zehend theil derselbigen so lang als
die flache ebene.

Weitter so die lini fiduciae felt vff den puncten. 6. umbrae uersae / ist die
leng der rüthen ein mal vñnd drei neuntheil derselbigenn/so lang als die
ebene oder weite.

Selt die lini fiduciae vff. 8. puncten umbrae uersae / so helt der rüthen leng
anderthalb mal/die leng der ebene.

So die lini fiduciae felt vff .7. puncten umbrae uersae /so ist die leng der
rüthen ein mal vñnd .5. sibentheil genommen/ die leng der ebene.

Selt die lini fiduciae vff. 6. punctenn umbrae uersae /so mann die durch
12. theilt/bleiben im quotienten. 2. daher würt gesagt das die leng der ebe-
ne ist doppel so groß als die rüth/ darüb so du die leng der rüthen zwey-
mal nimpst/hastu die leng des dings so zumessen ist.

So die lini fiduciae kompt vff. 5. punctenn umbrae uersae /vñnd du solche
durch. 12. theilest/ hastu im quotientenn. 2. vñnd zwey fünfftheil überig/
darumb so du der rüthenn leng zweymal nimpst / vñnd zwey fünfftheil
derselbigen/so sihestu die leng der ebene.

Wann weiter die lini fiduciae felt vff .4. punctenn umbrae uersae / vñnd
solche mit. 12. getheilt werden/seind im quotienten. 3. derhalb so du der rü-
then grösse drei mal nimpst /findstu die leng der ebene.

So die lini fiduciae berürt drei punctenn umbrae uersae /vñnd du diesels-
bigenn durch. 12. theilst/ ist der quotient. 4. zeigt an das die leng der rü-
then viermal genommenn/ die leng der ebene begreiffet.

So die lini fiduciae kompt auff. 2. punctenn umbrae uersae /durch dise
theil ab. 12. kompt in quotienten. 6. darauf ist die leng des felds so zumes-
sen ist/sechsfeltig gegen der rüthenn/ so du die sechs mal nimpst /so hastu
die leng der ebene.

Vñnd